

նաստեղծը,—ըստ արժանւոյն կը գնահատէ ու կը վարձատրէ իւր մշակին գոնէ նրա յօբելանի օրը, իսկ վարձատրութեան, մանաւանդ նիւթական վարձատրութեան՝ Մատուրեանը ահագին կարիք ունի, իբրև մշտահիւանդ, ծիրուած, անապահով, (ինչպէս բոլոր հայ գրողները) հայ գործիչ: *Guique suum!*

Ն. Ս. ՅԷՐ-Մանուէլեան

Մոսկուա, 1910 թ. 3 ապրիլի.

ՅԱՐԳԵԼԻ ԽՄԲԱԳԻՐ

Այս նամակը, որ ուղարկուած լինելով «Նոր-Դպրոց» ամսագրին իբրև նոյն ամսագրի մէջ ինձ ուղղած նամակի պատասխան, և որը յիշեալ խմբագրութիւնը, չկտմենալով զիպչել իւր խմբագրի անձեռնմխելիութեան, բարեհաճեց ի ֆնաս մանկավարժութեան մէջ գիտութեան նոր հոսանքի՝ չտպագրել, խնդրեմ զետեղէք...

1910 թ. 3 Մայիսի

Թիֆլիս

ՊԱՏԱՍԽԱՆ Պ. ՏԷՐ-ՄԻՐԱՔԵԱՆԻՆ

Ձեր խմբագրութեամբ լոյս տեսնող «Նոր Դպրոցի» ներկայ տարուայ № 3-ում մի նամակ էք ուղղել ինձ: Կարդացի Ձեր անգոր տողերը. Դուք փաստեր չունէք յօդուածիս որևէ կէտը նսեմացնելու: Դիտեմք յօդուածիս սկիզբը չհասկանալու էք դրել: Բայց ինչ կայ անհասկանալի. իմ գործիքը տպանորդական սխտեմի է, Ձեր հաւանածը միաւորական սխտեմի, որի գործածութեան ֆնասակարութիւնը դեռ էք կարողանում գիտակցել: Այդպիսի տրամագրութիւն ունենալով՝ ինչպէս կարող էք իմ թուարանական գործիքի նշանակութիւնը և դիրքը որոշել:

Յօդուածները իւղի յատկութիւնն ու չունին, որ մի պատառ վերցնելով՝ նրա արժէքը գնահատէք: Միամիտ ընթերցողին յօդուածիցս մի կէտ պօկած ցոյց տալով՝ ուզում էք հաւատացնել, որ ամբողջ յօդուածը սխալ է: Ընդհակառակը, Ձեր այդ վարմունքով ցոյց տուիք, որ անձեռնհաս էք լուրջ ու հիմնաւոր կերպով պատասխանել յօդուածիս գլխաւոր կէտերին:

Ձեր յօդուածից ուշագրութեան էի առել այս բառերը. «չորի, սիսիո... գծիկներ, շրջանակներ»... (սիսեո բառից յետոյ պէտք է լինէր բազմակէտ, չգիտեմ ինչո՞ւ տպագրութեան միջոցին դուրս է մնացել*)։ Դուք գննական միջոցների տեսակները համարելով առաջին տեսակի մէջ յիշել էիք լօբի և այլն. երկրորդ տեսակից՝

*) Նոր-Դպրոցի № 2-ում տպուած իմ յօդուածի մէջ առաջ են եկել հետեւեալ սխալները 71-րդ երեսում, 4-րդ տողում «անպատրաստէ» բառի տեղ պէտք է լինէր «պատրաստ է», 65-րդ երեսում «թուարանութեան մութ աշխարհն է» դրա տեղ պէտք է լինէր «թուարանութեան մութ հասկացողութեան աշխարհն է»:

գծիկներ, շրջանակներ և այլն: Ծարունակութեան մէջ ասում էք, «երկրորդ տեսակից միայն մօտ 200-ի չափ գործիքներ և մեքենաներ կան: Միթէ այդ նախադասութիւնից չի հետևում, որ եթէ առաջին տեսակն (լօբի, սիսեռ) էլ հաշուենք, գործիքների, մեքենաների թիւը աւելի կը բարձրանայ: Տրամաբանօրէն մտածողը այդպէս կը հետեցնի:

Երբ այժմ պարզուեց, որ յօդուածիս յիշեալ կտորը սխալ չէ, այս դէպքում պ. Տէր-Միրաքեանը իր նամակի վերջին տողերը այսպէս կձևակերպէ. «Աւելորդ չեմ համարում պ. ընդդիմախօսի (Արարատեանի) շօշափած ուրիշ կէտերին պատասխանել, որոնք վերաբերում են ինձ (պ. Տէր-Միրաքեանին) և վերոյիշեալի պէս ճշմարտութիւններ կնձ:

Մինչև յօդուածիս տպագրուելը կարելի էր նամակով դիմել ինձ, իսկ տպագրուելուց յետոյ, ես ինձ համարում եմ ընթերցողների շարքը: Ընթերցողները սպասում էին յօդուածի, իսկ մասնաւոր Զեյ ինձ ուղղած նամակը ընթերցողներին բաւարարութիւն չի տալիս:

Թ. Զ. ԱՐԱՐԱՏԵԱՆ

Լ Ո Ւ Ր Ե Ր

Մայիսի 2-ին Մոսկուայում կատարուեց քանքարաւոր բանաստեղծ Ալէքսանդր Մատուրեանի գրական գործունէութեան 25 ամեայ յօբելեանը մեծ հանդիսով: Մոսկուայի հասարակութիւնը պ. Մատուրեանին նուիրաբերել է մի խոշոր գումար: Խմբագրութեանս կողմից իբր ներկայացուցիչ յօբելեանին ներկայ էր թերթիս Մոսկուայից աշխատակից պ. Նիկողայոս Տէր-Մանուէլեանը:

Կ. Պօլսի Ազգային ժողովի խառն ժողովը «Լուծայ»-ի մէջ արտայայտած բողոքին պատասխանել է կողմնակի կերպով: Նա գտել է, որ Օրմանեան սրբազանի վրայ բարդած «դրամական զեղծումների» մէջ մինչև այժմ ոչ մի կէտ չապացուցուեց, ուստի և որոշել է նորան կոչել որևէ պատասխանատու պաշտօնի: Ուրեմն սր. Օրմանեանը այժմ 'ի հարկէ, երբ նրանից որևէ վտանգ չունի ազգը, անմիղ է համարուած դրամական խնդիրներում: Բայց մենք դարձեալ մի նոր բան կասենք. որ նորին սրբ. անմեղ է նաև այն մեղադրանքի մէջ, որ իբր թէ նա Հաագի կօնֆերանսին հեռագիր է տուել՝ նորան ներկայացող հայ պատգամաւորութիւնը չհամարելու ամբողջ թիւրքիայի հայութեան ներկայացուցիչ: Այդ էլ սուտ է և շինծու: Ծճմարտութիւնն այս է, որ երբ Կ. Պօլսի մի քանի նշանաւոր ազգայիններ տեսնում են, որ հայ պատգամաւորութեան՝ Հաագի կօնֆերանսին ներկայանալովը կարող է գրգռուել Համիդը և հայերի նոր կոտորածի առիթ տալ, շտապել են պատրիարք Օրմանեանի մօտ և իրանց նախապէս խմբագրած հեռագիրը ներ-